


2.
PESTIS DESCRI-
PTIO, CAUSAE, SIGNA
OMNIGENA, ET
PRAESERVATIO.

Authore Gulielmo Gratarolo
Bergomate Medico.



PARISIIS,
Apud Federicum Morellum, in vico
Bellouato, ad vrbanam Morum.

1561.



THE UNIVERSITY OF CHICAGO

LIBRARY

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

NOBILI, ET MAGNIFI-
CO VIRO DOMINO ASCA-
nio Marfo Nuncio Casareo apud Hel-
uetios Gulielmus Gratarolus.

S. D. P.

NON equidē me latet, amice candide, mul-
tos variis tēporibus, libros in hac quo-
que medicæ facultatis parte editos esse, ita ut
primo aspectu meus hic qualiscūque labor hic
præcipuè quibus multo facilius est quidvis re-
prehēdere quàm facere vel imitari, superfluum
omnino videatur. Attamen semper existima-
ui post tam multiplicem quacunque in facul-
tate librorum copiam etiam occasionem præ-
cipitem sciens, eum laudandum fore conatum,
si quis rei non imperitus aut novus sectator,
scientiam aliquam (inuādæ quoque memoriæ
causa) ad breuitatē, citra tamen obscuritatem,
contrahat. Quod & si multis in rebus difficil-
limum sit, in hac nihilominus quam aggressus
sum parte, mihi non adeò difficile visum fuit,
ut à cæpto inuādī omnes officio me amouerit,
in qua etiā parte nōnulla ab aliis (quod sciā)
hactenus scripto publico non mandata, de-
scripsi fideliter. Porro autem cū nihil ferè in
publicum emitti sine tutore soleat, ac parui-
lis præsertim tutores dentur, nolui etiam li-

A ŷ

bellulum hunc meum sine patrono relinquere.
 Delegi itaque tuam Dominationem, colende
 mi Marſe, non ignarus tamen longè maiori-
 bus rebus dignam eſſe præſtantiam tuam: ne-
 que verò hinc tui laudandi anſam accepi,
 quòd nec locus hic ſit, nec meis egeas vel alte-
 rius laudibus: quippe cuius, clari patris imi-
 tatione, agnita virtus, probitas, & in negotiis
 promptitudo, aliquot allexit principes, & tã-
 dem ipſum Caſarem, ut poſt patrem tuum, te
 quoque ab adoleſcentia in hanc uſque æta-
 tem pluſquàm mediocribus & arduis officiis
 præfecerint. Me autem præterea impulit non
 vulgaris manſuetudo tua, ergaque omnem bo-
 nam doctrinam pietatẽque amor tuus, nec
 nõ ut meum erga te ſincerum amorẽ hoc modo
 etiã ſignificarem: ſpero autẽ ut digneris te hoc
 tantillum donum: ac, ſapientũ more, animum
 potius dãtis ſuſcipias, nec ignarũ vulgũ ſequa-
 ris, quẽ penes vilia ſunt quæ paruo emuntur.
 Tibi enim libellũ hunc uſilẽ futurum nõ du-
 bito, cùm plurimũ his in locis verſeris, ubi pe-
 ſtis ſauire nõ rarò ſolet. Sed, ne caput, corporis
 proportionẽ, maius fiat, ſinem facio. Dominus
 Deus te ſuõsque omnes non minus à corporea,
 quàm à ſpirituale peſte tueatur. Inclyte Baſi-
 lea pridie Idus Quintilis M. D. LIIII.

PESTIS DESCRIPTIO,

CAUSAE, SIGNA OM-

nigena, & præsertiatio.

ESTIS seu pestilentia *Pestis.*

Græcè λοιμός, est aëris uenenū seu corruptio, malauē qualitas, & uapor quidā noxius, quo tracto, contagione primum spiritus corporū occultè inficiuntur, ac subinde humores, & præsertim cordis innata humiditas, qua putrescente, febris accenditur omnium nocentissima: quam Auicenna prima quarti, febrem mali modi appellat, quod latenter ægrum percutiat, ipsumque necet: exterius enim corpus uidetur quietum, interius uerò admodum perturbatur. quam breuius ita generaliter describere possumus, ut sit febrilis lues quæ diris ac uariis modis plurimos citò perimat: eam enim febrem uastissima quæque urgere asserit Paulus Aegineta: estque morbus peracutus.

Causas omnes adferre, difficillimum *Cause.*
ac longum foret, ideo præcipuas dicere

hîc sufficiat, ex quibus reliquæ dignosci poterunt. Certum est imprimis pestem flagellum Dei iustissimi peculiare dici, & esse, quo sine, cuncta disponente, aliæ secundæ causæ nihil agunt: punit uerò Deus peccata etiam in iustis hoc in sceleroso mûdo. Cœlum igitur, ut summi Dei admirandum instrumentum, id malum aliquando inferioribus afflat, uel dum conueniunt nocentia humano generi astra, quæ ab astrologis infortunæ uocantur: uel dū cometæ, aliæque aëreæ malæ impressiones cernuntur. Ex inferioribus causis sunt quæ in tota una regione, aut uno tātum in populo uel una ciuitate, uel priuatis & unis ædibus molesta sunt. Priorem adferunt lacus, paludes, terræ motus, stagnantium aquarum fœtor, cloacarum ac latrinarum colluies, quæ aërem uitiant: uel ubi commissum est prælium, insepultorum cadauerū pestiferus fœtor, qui magis hominibus, ob naturæ similitudinē, quàm aliis animātibus nocet, ut boum cadauera bobus, ac de aliis speciebus similiter: adhæc assiduus imber, multus Austri flarus, uentus è pestifero loco spirās. Poste-

riorem odores fœtētes luti ac cœni, quæ in uiis publicis aggerūtur: olera, ut brassicæ, & arborū crucæ: lini, cannabis, coriorum quæ aquis macerantur, graucolentia. Priuatæ uerò ædes eam sentiunt, cum cloacis seu latrinis aut sepulchretis, aliisue fœtoribus uicinæ fuerint: uel si cadauer occultum in illis putrescat, si adeat qui in pestilēti loco uersatus fuerit: si bibitur aqua in qua cadauer tabuerit, & similia. In unoquoque autem causa sunt humores multi aut prauī ex uitioso uictu collecti, ac putredini facili obnoxij: possunt enim ex Galeni sententia humores lethalibus uenenis similes generari. Vel denique propter malum & putridum aërem ambientem corpori inspiratum ob necessariam ac cōtinuam uiuentium inspirationem, quo potissimum spiritus, deinde humores & interanea, cor autem præcipuè, malè afficiuntur, in aliquo facilius, in alio autem tardius uel minimè, prout unus alio uariis & alibi uidendis causis, magis aut minus pati ex uaria corporum & uictus ratione, potest.

Signa futuræ pestis perquirere, ut ad *Signa.*

A iiij

præcauendum utilissimum, ita pro uirili
 conabor: qualem autem hîc adhibue-
 rim diligentiam, iudicet doctus & since-
 rus lector. Primum atque firmissimum
 & secundum naturâ non solum signum,
 sed etiam causa, est pluuiarum assiduitas
 in fine ueris, uel in æstate, absque uen-
 torum flatibus ullis, cum uehementi ca-
 lore: uel si meridionales uenti flauerint:
 & dum non pluit, turbidus tamen ac ne-
 bulosus aër conspicitur, pestilentiam fu-
 turam in fine æstatis, significatur: talem
 cōstitutionem in Cranone ciuitate olim
 Hippocrates descripsit, quam maxima &
 horréda pestis est subsecuta. Calor enim
 & humidum corruptionis parentes sunt,
 cū motus illa nō temperauerit. Secun-
 dum è cœlo signum sumi solet, cū de-
 liquia solis magna fiunt, aut cometes,
 aut igneæ flammæ, ac ueluti stellæ ca-
 dentes in cœlo, id est, aëre, uidentur: ex
 immodica enim siccitate ac uapore bi-
 tuminoso, hæc quæ aërem etiam corrū-
 pere possunt, fieri solent, potissimum au-
 tumni tempore. Si arbores ardere uideā-
 tur, certius est futuræ calamitatis signū:
 quoniam iam aër ipse nos circumstans,

non sublimis, qui minus ad nos attrinet,
 infestatur. Quod si aër quasi pulueru-
 lentus mensibus aliquot perseveret, ac
 sint multæ crassæ ac siccæ nebulae, pe-
 stem futuram denuntiat sui generis.
 Cùmque uideris turbidum aërem ac ne-
 bulosum autumnī & hyemis tempore,
 sperauerisque pluuiam, nec tamen pluat,
 tunc scito eius temporis temperamen-
 tum corruptum. Aestiuam autem pesti-
 lentiam designat etiam pluuiæ paucitas
 in uere cum frigore: cùmque subsequi-
 tur Auster, conturbaturque aliquot die-
 bus aër modò cum frigore, modò cum
 calore: inde etiam exanthemata, hoc est
 uariolæ ac pustulæ similiæque designan-
 tur. Cū autē pestis & ab aqua & ab aere
 fiat, quæ ab aqua fit, cor magis petit: quæ
 ab aere, cerebrū. Sæuit omni tēpore pe-
 stis, sed hyeme ac uere minus, æstate ma-
 gis, adhūcque magis autumnō. Cū
 panis aeri expositus mucorem trahit per
 noctem, habes iam corrupti aeris signa,
 proximamque, si nondum cœpit, pesti-
 lentiam. Canum frequens rabies ob id
 pestem nunciat, quod hi uel ab aquis ut
 plurimum uel aere in rabiem aguntur:

ab aquis enim corruptis rabies etiã generatur. Similiter & luporum ingressus in urbem, & molestia assidua, rabiei in eis cuiusdam signum est: nimia enim audacia rabiem nuntiat: ab his igitur causis quibus hi aguntur in rabiem, corrumpuntur in hominibus humores, & pestis generatur. ob id etiam quandoque contingit ante pestem aues deferere oua atque nidos, & imperfectos seu immaturos pullos: omnia enim hæc signa sunt prædominantis atræ bilis, seu ob aerem, seu ob aquam corruptam. Oves præcipuè ante id tempus clade afficiuntur: imbecilliores enim ac similes ferè hominibus, natura ab eisdem causis quibus homines, pestem patiuntur. Ranarum multitudo, & blattarum in muris, ob superfluum humidũ pingue fit, quod naturæ humanæ aduersatur, & illi perniciem affert. Cùm uermes ac serpêtes apparent, tum talpæ, id contingit quoniam cubilia propria deserunt ob molestiam uaporis qui sub terra continetur, qui que ascendens aerem uitiat adeò infesto affectu, ut perniciem serpentibus afferre possit, nedum hominibus. Cùmque talia

frequenter & passim uidentur ac perseverant augenturque, tunc procul dubio pestem futuram prænunciant. Aves etiã si hunc morbum concipiant, ingentis pestis signum sunt: nam cùm siccius animalium genus atque liberius eo morbo afficitur, multo magis etiam homines. Transire etiam in equos uisus est.

Si in galla quercus non perforata (qui fructus rarò mense Martio non perforatur) inuenitur araneus, pestem nunciat: quamuis alij de uermiculo inibi reperto asserūt: ego illorū neutrū obseruavi, etsi alterutrum uerū esse credam. Ad hæc tēporū anni mala mutatio, cùm uidelicet anni quatuor partes suis in qualitatibus & naturis admodum uariant: uel etiam unius naturalis diei notatu digna mutatio. Vbi exanthemata (quas etiam papulas & pustulas uocant) nedum pueros, uerum etiam adultos crebrò affligunt. Frequentes autumnī tēpore uenti meridionales & occidentales. Si prægnantes ex leui quauis occasione abortiunt. Calores immodici exitiales sunt. Quando æstate à pluuia, subitò magna ranarum in tergo cinericiarum, in uen-

tre autem lutearum, aut alterius diuersi coloris, comparuerit copia. Rosæ ac uiolæ si sub autumnum secundò floreant, pestilitatem adferre cōpertum est. Numerosa insectorū, muscarum, uermium & reptilium multitudo. Quadrupedum & natatiliū multitudinis interitus. Annonæ caritas talis, ut cogantur homines mala cibaria comedere. Omnium certissimum præsagium calida & humida totius anni constitutio. Cū item uideatur uelle pluerē, neque pluit tamen: nam tunc aer est corruptus & densus. Cū sol clarè splendet; ac immediatè subsequitur aura turbida. Hactenus de causis & signis in uniuersum.

Loca pesti magis obnoxia.

Loca magis obnoxia pesti sunt, in quibus est putridarum aquarum abundantia: ubi multa sunt cadauera sepulta, ubi loca uiscosa & uaporosa. Augescit pestis in coniunctione & oppositione solis & lunæ: item cū luna sub Saturno & sub Marte, ac præsertim eorum quadrato, permeat. Grassatur magis in exortu solis, occasu, meridie, & nocte media. Homines pesti magis obnoxij sunt habentes humores crassos, uel prauos, aut mul-

tos, & sanguinis copiam, nisi è corpore per uniuersalem euacuationem, id est, uenę apertionem, aut purgationem educantur: aut per scabiem & ulcera, quę tamen minus tuta purgatio est: suntque præcipuè pueri & adolescentes, nubilęque puellę: & qui temperaturę sunt calidę & humidę, deinde qui calidę ac siccę, ultimò qui frigidę ac siccę: quamuis postremi prioribus curentur difficilius. Nulla ferè pestis ultra triennium sæuit: uel quia tam diu non habet fermè in quos sæuiat: uel quòd aer ipse, cùm sit leuissimę substantię, ulteriorem putredinem pati non queat: & quę cõputruerunt, non amplius sunt putrida: ut cocta, reddi amplius cruda nõ possunt. Vix etiã fieri potest ne in tãto tẽpore aer moueatur ac renouetur, & in uentos transferat, quod corrũpitur: & deniq; Deus cũctipotēs ac misericors modũ imponit pœnarũ malis, hominum pœnitētia, uel suorum electorũ probitate ac precibus exoratus.

Notę quę hominem iam pestilentia *Pestilentia* correptum demonstrant plurimę sunt. *correpti* Primum si exteriora, præsertim extrema, *nota.* frigent, interiora uerò ualde calent. Se-

cūdum totius corporis grauitas, crebræ
 punctiōes, sudor foetidus, lassitudo, se-
 gnities, oscitatio, foetor anhelitus & dif-
 ficultas: aliquando febris intensa, magis-
 que in nocte quàm die molesta. Tertiū,
 capitis dolor intensus & grauitas. Quar-
 tum, animi anxietas & tristitia, uel syn-
 copis & angustia: uel si tunc temporis
 ægrotantes citò mortē incurrunt. Quin-
 tum, propensio mira ad somnum magna
 ex parte: interdum enim uigiliæ ac de-
 liria molestant. Sextum, oculorum a-
 spectus toruus, ac color uarius. Septimū,
 oris uentriculi seu stomachi dolor, ap-
 petentiæ deiectio, uehemens angustia,
 aerisque attractio. Octauum, sitis immē-
 sa, creber uomitus & uarij coloris, uel
 nausea insolita. Nonum, oris & linguæ
 amaritudo, nigredo seu citrinitas, & sic-
 citas. Decimum, pulsus frequēs, exiguus
 & profundus. Vndecimum, urina ma-
 gna ex parte ueluti iumentorum turbi-
 da, crassa, & foetida: uel primò aquosa,
 deinde biliosa, denique confusa & tur-
 bida: uel in principio est subcitrina &
 turbida, & post tempus rubicunda, ac ut
 plurimum sine hypostasi: quanquam in-

terdum hæc à sanorum urina non multum abesse uidetur: ideo ex ea decipiuntur plures: est enim signum citissimæ mortis: quia totum uenenum relictis ferè partibus naturalibus colligitur ad cor. Duodecimum, omnium certissimum, si cū febre, post aures, aut sub alis, aut circa inguina potissimum, bubones sine manifesta aliqua causa, aut in aliis etiā partibus carbunculi subito oriantur: & cum in principio exoriuntur, naturæ robur præ se ferūt: sed quo tardius, eo peius: nōnunquam in decretoria die apparēt præcipue uomitus, sanguinis sputum, sudor, uentris fluor, scabies, pustulæ, ac similia.

Signa mortis in peste correpto præcipua sunt, quando frequenter incidit in syncopim seu animi deliquium, sudorē frigidum, nauseam & uomitum in quo materia sit uarij coloris præsertim ad nigrorem uergentis: si per secessum talem habeat foetentem materiā, aut uiscidam: nam aliquando post secessum aut uomitum cadunt in syncopim, uel etiam moriūtur. Si nigram aut plumbeam putridā uel habeat urinam: foetentem anhelitum: torporem, seu spasmus: casum

Signa mortis in peste correpto.

uirtutis motiuæ aut appetitiuæ inter initia, cum loquelæ perturbatione: internorum dolorem, ac coli præcipuè, atque uermes: si tumidum uentrem ac si hydropicus foret: uel si uarium faciei colorem habeat: aut maculas in corpore quæ citò delitescant. Quò magis hæc unà ad sunt signa, eò certius moritur. Si eorum signorum nullum adest, interdum tamè moritur propter uarias accessiones, uel quia totum uirus residet in corde, & natura circa naturales operationes occupata, non tentat, aut non potest (nisi fortasse opportuno remedio adiuta à medico) illud expellere. hinc fit, ut cùm inducias dare aut desistere uidetur morbus, altius (ob assistentium aut medici negligentiam) radices agat, & perimat. Signa dubia sunt cùm stomachus omnino abhorret cibum, & lingua est nigra atque arida, inquietus est æger, rationem amittit seu delirat, non dormit. hæc tamen si cum prædictorum signorum aliquo eueniant, certa sunt mortis imminētis signa.

Cæterum quòd pauci seruātur in hoc morbo, nihil ferè in causa est (si diuinam iram ob peccata excipias) quàm hominum
num

num negligētia, stupīditas, medicamentorum & medicorum bonorum cōtemp-
tus, ægrotantium mala in uictus regi-
mine custodia, corporum intemperan-
tia, uel res angusta domi: aut quòd pau-
cissimis uelint adesse medici, sibiipsis à
periculo cauentes (nam multis capitalis
pœna censetur) præsertim agnita ægro-
tantum ingratitudine erga tantum offi-
cium: cū multi sint qui uel in aliis non
contagiosis morbis Deum tentātes, ma-
lint mori diuites, quā, non dicam ui-
uere pauperes, sed ne parumper immi-
nuatur pecuniarum suarum cumulus. at
ut uincamus in bono malum, & gratui-
tò etiā inimicis beneficia obtrudamus,
ad præseruantia deueniendum.

Remedium igitur præcipuum erit so- *Remedia*
li cœlique mutatio: utilissima enim sunt *cōtra pe-*
tunc illa tria aduerbia, Citò, Longè, Tar- *stem.*
dè. Quòd qui facere non queunt, aut
Christiana charitate affecti, nolunt, cu-
rent imprimis habitare in loco perspira-
bili, cœlum nubilum uitātes, frigus ma-
tutinum ac uespertinū, fluminum & sta-
gnorum auras, ac sordida quæque. Aerē
reddāt meliorem cū publicè, tum pri-

uatim, igne ac suffumigio facto cum rebus aromaticis calidis aut frigidis, ut temporis constitutionibus conueniens erit, ut aer exiccetur, sicque prohibeatur putredo, & aer fiat boni odoris: prius igitur ignis fiat, tum super prunis odorata ponantur. Quæ autem hæc præstent, calida, sicca, & odora erunt: qualia præcipuè sunt abies, agallocom, seu aloes lignum, aloe, acorus seu calamus aromaticus, asarum, citrei mali cortex, crocus, cinnamomum, cupressus, costus, galanga, caryophylli, iuniperi lignum & grana, libanotis seu rosmarinus, lauendula, lignum balsami si uerum haberetur, ladanum, laurus, laserpitij lacryma, iuncus odoratus vulgò squinantum, myrrha, asphalthum, menta, cuius folia arida facta in umbra etiã aduersus uenena seruantur, ocimum, origanum, pinus, phus seu valerianæ radix, pulegium, robur seu quercus, saluia, sauina, sarmenta, styrax, scordium, thus, terebinthina odorata, tamariscus. Composita etiam pro suffumigio inde fieri possunt, ut trocisci, pulueresq; crassiores: pro ditioribus habentur in officinis gallia moschata, uel

aliptra moschata, auiculæ cypriæ uocatæ, quæ ueluti candelæ paruæ sunt nigri coloris, quæ incensæ miram reddunt fragrantiam: quarum unus modus talis est.

℞. ladani puri, styracis calamitæ, myrrhæ, mastiches, thuris, sing. unc. semis, maioranæ, ciperi, uel iunci odorati, rosarū rubearū, sing. unciā, cinnamomi, caryophyllorū, santali citrini, spicæ nardi, macis, sing. drach. semis, carbonū ligni salicis aut tilię lib. semis, styracis liquidę unciā, aquæ rosarū quantum satis est ad cōpletā eorum incorporationē, addendo etiā parū terebinthinæ odoratæ, uel plus styracis liquidæ, ac secundū artē formētur, adiiciendo ad placitū & iuxta tēpus cāphoræ uel moschi aut ambræ parum.

Pro æstate erūt rosæ, myrtus, nenuphar uterq; , omne santalū, uitis palmites, cotonea, aurantia poma odore præcipua, oxycratū quo muri ac pauimentū irrorentur cū caliditate molestat aer: tūncq; etiā loca eligātur umbrosa, & septētrionalia, reprimatúrq; (ut iam dixi) aeris caliditas aquę frigidę cū aceti parte aspersione, uel rosacea & aceto, aut linteamina his madida affigātur parietibus, spar-

gantur folia & flores ex rebus frigidis: ac pari modo per contrariū corrigantur alię qualitates aeris: renouetur quoq; inclusus cubiculis aer hora sereniore diei, & à septētrionis parte in æstate, ab oriēte aliis tēporibus, nisi aliud obftet. Illud etiā inter cætera cauēdum, ne canes uel catti nostri domestici tēpore pestis extra domū uagētur: facilè enim contagiū adferrent. Qui sani sunt, & fortiora præseruātia respuunt, hoc saltē curabunt, ut cū domo exeant aut aliquē morbi suspectū alloquūtur, ne à propinquo & uento spirante id fiat, teneantq; in ore ac mādant parū radicis angelicæ, uel zedoariæ, uel citri corticē, aut dictamnū, uel simile aliud. Pauperes frustulū raphani habebunt, uel sument aliquando manē (præsertim hyeme & uere, ac nō biliosæ tēperaturæ homo) unum aut alterū cochlear uini raphani, quod hoc modo parāt: Raphanū bene mundū & in frustula concisum pone in phiala aut paruo cantharo uini odorati subtilis & albi seu citrini, sicq; operculatum uas dies octo dimitte, tum raphano excolato & abiecto, uino utere: potes simul addere aliquid tēpori

ac tibi cōueniens, ut ualerianæ radicem,
 uel iuniperi grana, uel aliud quoduis.
 Rutam odora uel solam, uel prius aceto
 madidā: aut spongiā raram tali aceto ru-
 taceo imbutam tecū exiens defer, & sæ-
 pè naribus & ori admoue, uel lauri folia
 confracta: estate rosaceā aceto misce aut
 uiolaceā. Qui infirmos uisitare cogūtur,
 etiā radicem helenij seu inulæ in ore te-
 neant. Si ditior aut delicatior es, poteris
 habere pomū ambræ uocatum seu orbi-
 culū aliquod odoratū, quorū ubique ua-
 ria est cōpositio ex ladano & speciebus
 ac succis odoratis: uel cotoneum, aut au-
 rantiū pomum odora: roborantur enim
 spiritus odore aeréq; bono. facies, os, dē-
 tes, & manus, uel aqua falsa, præsertim
 hyeme, uel rosacea, tertia uel quarta par-
 te aceti addita, lauentur, addātur hyeme
 caryophylli cōtusi, uel lauendulæ flores.

S E D ut breuiter fortiora etiam reme-
 dia & generalia indicem, Ante omnia
 mortis metum abiice, sed nō D E I timo-
 rem: neque propterea periculū ames, aut
 temerè incurras, nisi proximī charitas,
 aut rebus omnibus anteferenda C H R I-
 S T I gloria, urgeat. Educantur quampri-

mum à corpore humores prauī, uel pilu-
 lis cōmunibus, quæ ferè alternis diebus
 sumi possunt, aut paulò fortioribus aliis
 infrā describendis, (nisi summa sit æstas)
 uel alio iuxta peccātes humores conue-
 nienti, nec forti tamen medicamento, ut
 cassia, manna, rhabarbaro, & similibus:
 adiectis semper his quę cor roborēt iux-
 ta tēpus & reliquas indicationes: aperiā-
 tur etiā obstructions decoctis & oxy-
 melite, uel acido syrupo, aut bysantino,
 aliisq; conuenientibus: & prohibetę per-
 spirationes temperata lotionē ac deter-
 sione, aut frictione & olei chamæmeli-
 ni aut rutacei (si frigus erit) unctiōe, ne
 occasio sit nouę putredini. Si sanguinis
 abundantia, plethorāue adsit, festinanda
 est in primis uenę sectio, prout ætas, ui-
 res, & reliqua consenserint, fiatq; in loco
 clauso & aere prius rectificato. commu-
 nitérque mediana secanda est, uel uena
 quæ tumidior fuerit, præmisso (si alius
 sit stricta leniente enemate, uel glande
 iuxta bo orū medicorum canones & ra-
 tionem ipsam. In sexu fœmineo saphe-
 na aperiatur, ut menses fluant suo tēpo-
 re, iuuentúrque ad hoc etiam decocto, uel

pulvere aliquo idoneo, qualis iste est, uidelicet. R. cinnamomi electi unc. semis, seminis ligustici communis (quod hipposelinon est) drach. duas foliorum betonicæ, rutæ, hypericonis, pulegij, melissophylli, satureiæ sing. drach. i. absinthij, gentianæ, baccarum lauri sing. drach. semis. fiat pulvis subtilissimus, ex quo datur cum iure aliquo appropriato per aliquot dies ante mensium purgationem: nam prouocando menses, etiam à peste præseruat. In peste correpto fienda est uenæ sectio intra sex horas, aut quam citius fieri potest, & è directo affectu seu dolentis partis: neque ante illam dormiat, nec post ante quinque uel sex horas. post demptum sanguinem, statim antidotum aliquod cum liquore conuenienti detur, ac sudor eliciatur: quorum sanguis foetet, deplorata est salus. Sed ad scopum præseruationis redeo.

VICTVS regimen, ex rebus boni succi & subtile sit, & exiccans: debent enim eo tempore sicca corpora in sua seruari siccitate, humida uerò siccari: nullo tamen laborioso exercitio, aut sudatorio præsertim publico, aut in aere infecto,

sed frictionibus potius, sobrietate, ac idoneo cibo ad acetosum uergēte. Et potissimū æstate aceto, uel omphacio, succoue granatorum, uel uerberorum, oxalidis, aliorumq; acetosorū ad intinctus utendum aut cōdimenta. hoc etiam puluere (citra æstatem) uel simili, condiātur cibaria uel aspergantur. R. granorum paradisi seu meleghetæ, tormētillæ, dictamni albi uel pseudodictamni ana drach. sex, caryophyllorum, cinnamomi subtilis ana unc. semis, terātur in puluerē addito saccharo albo ad dimidium. Piscibus bonis (præsertim æstate) licebit aliquando uesci coctis in aqua cū modico aceto & aromate aliquo, ut cinnamomo aut gingibere: post quos duas uel tres nuces prius in aceto madefactas comedes: alimenta facilè putrescētia, uel multa, uel admodum uaria, longāque in ediam, aut cruditatem dimitte, quæ omni tēpore nocent, non solū in peste. Cū in aere coruscationes ac similes impressiones apparuerint ante fructuū collectionem, illius temporis fructus præsertim horarij, aut olera, paucis ad rē facientibus exceptis, uitanda sunt. ablege-

tur porcina caro, aues aquaticæ, pisces malarum conditionum aut plurimi, & similia. nec aqua bibenda est quæ in terræ natat superficie. æstate oligophoro seu aquoso uino utendum, uel posca (quæ est aqua ex aceto temperatè mixta) tollenda est sitis: uidenturque factitia, mala, seu sophistica uina. Somnus sit moderatus, coitus rarissimus aut nullus: animus sobriè hilaris ex corde puro, conscientia bona, & spe, sint procul timor & ira.

Fortiora adhuc præseruantia (præsertim facta purgatione uel uenæ sectione) *Remedia alia.* sunt theriaca magna si bona est, (cuius qualitas qualitati pestis, id est, uenenositati aduersatur) cum calidis aut frigidis pro ratione tēporis & hominum exhibita: aut ea quæ ex quatuor rebus constans, Diatesaron vulgò dicitur: aut Mithridaticum antidotum commune, uel illud regium ex quatuor rebus paratu facile: Electarium de ouo: (non combusto ut pharmacopœi ignari faciunt.) Electarium lupi uocatum, aut liberantis: modò tempore conuenienti sumantur & mensura. Rustici capre crudum edant summo mane, aut allium: uel pul-

ueris radicis aristolochiæ rotundæ drach.
 unam uel semis uel scrup. unum sumant
 cum ceruisia calida, aut uino uel alio
 potu conuenienti : à præcordiis enim
 purgat, & putredini resistit. Præstarent
 bolus armenia, uel terra sigillata seu lé-
 nia, uel unicornu, si uera haberentur ue-
 nalia : sed hæc uel adulterata reperiun-
 tur, uel penes magnates aut paucissimos
 seruantur. Scito tamen qui vulgò bolus
 orientalis dicitur, esse ueram lemniam
 terram: quæ autem sigillata est, insynce-
 ra est nostris temporibus ut plurimum.

Ideò ulterius aliqua ex muleis cogni-
 tis non minus tuta, paratu facilia, usuque
 & authoritate comprobata, præter iam
Simplicia dicta, huc adferam. Ac primò ex sim-
laudatio- plicibus laudatioribus sunt mali citrij
ra. succus uel semina, imò omnes pomi par-
 tes uenenis contrariæ sunt : Carduus be-
 nedictus seu herba Turcica, in cibo uel
 potu omnimodo: Vincetoxicum seu hi-
 rundinaria herba, origanum, serpillum,
 sisimbrium, ruta, buglossum, sonchus, a-
 garicum, betonica, lauri baccæ, hyperi-
 con, camphora & santala omnia æstate.
 Angelicæ radicis uel seminis scrupulus.

cum uino, aceto, uel rosacea (pro tempore) bibitus: nam uenenum sudore & urina abigit. Tormentillæ radix, dictamnium Cretense, pimpinella, carlinæ radix quæ est albus chamæleon, Imperatoriæ radix seu Astratiæ, ruta capraria seu galega omnibus modis proficua. Scabiosæ aqua uel succus, gentiana, cruciata, acetosa seu oxalis, cerui cornu puluis, radix morsus diaboli vulgò dicta. Inter lapides sunt margaritæ, lapis bezahar, coralli, smaragdi ad læuorem contriti, & potu sumpti conuenienti. Et his ac similibus fiūt composita uaria: ut sacculus pro corde præseruans & curans, huiusmodi.

℞. Sapphyri, Smaragdi, hyacinthi, rubini, corallorum rubeorum & alborum sing. drachmam, croci scrupulum, margaritarū drach. semis, ambari grana sex, radicis iridis siccæ & odoræ unc. semis, cornu ceruini usti drachmā, auripigmenti unc. semis, arsenici albi drach. duas: terantur omnia, & fiat sacculus cum sindone purpurea, cordisq̃ue regioni apponatur. nec timendum est ex apposis uenenis, imò uenenum unum aliud à corde repellet: si ulcuscula aut uesiculas in

ea parte induxerit, etiā tutius est. Fuere aliqui, qui solius arsenici frustum appēdēre. Experti sunt nonnulli etiam fide digni, bufonem in puluerem redactum, & sacculo cordi applicitum ad præseruationem: eius uenenum, dum in ollula uritur, tollitur ferè, ut in omnibus quæ uruntur. Optimum est & oleum ex multis scorpionibus uel uiperis, aliisque alexiteriis secūdam artem factum, si eo semel uel bis quotidie arteriæ pulsátiles cordisque regio liniantur ac nares, iugulum, osque uentriculi: obruente morbo bibitur etiam ex eo unc. semis, uel minus iuxta sumētem: sunt enim extremis morbis extrema adhibenda remedia, & fortia fortibus: & tutò curanti non à leuioribus, sed ab æqualibus inchoandum est. Inungitur & iuniperinū oleum. Puluis sudorē eliciens ac præseruans, præcipuè facta phlebotomia uel purgatione.

Rx. Dictamni albi unciam, radicis tormētillæ unc. semis, tere & misce: da drachmam cum aqua scabiosæ uel endiuix & aceti modico, ac sub stragulis bene reclusus dormiat ac sudet: peste autem correptus addat tantundem theriacæ, ac si-

Pulvis.

ne somno fudet. potes loco dictāni carduum benedictum accipere, ac eius decoctum. Idem fiet cum liquoris stillatij nucum immaturarum unciiis 6.

Pulvis alius illos etiam à peste præseruans qui ipsa affectis inseruiūt. R. tormentillæ, boli armenij præparati, corallorum utrorumque, dictamni albi, gentianæ, lemnix sphragidis seu terræ sigillatæ sing. drachmam, omnibus tritis & mixtis, da quaque die drachmam ieiuno cum rosacea, aut endiuia, uel oxalidis, aut scabiosæ aqua, uel cum uino.

Proficit & pueris scrupulus, nam uermes ab his tūc potissimum pellēdi sunt, ob quos magis pesti ac denique morti fiunt obnoxij: pro qua re etiam sequens pulvis apprimē cōueniet: R. cornu cerui usti, feminis absinthij vulgaris, uel santonici, vulgo Alexandrini seu feminis sancti, aut etiam musci marini quam officinæ corallinam uocant, (quæ sola satis foret) zedoariæ, nucleorum persici sing. unc. semis, macerentur amygdalæ persici in aceto, siccenturque, & omnia in puluerem redigantur: ex quo per aliquot dies detur, ungeturque anus buty-

ro & saccharo mixtis, uel melle puro: aut supponatur penidium. potest etiam emplastrum per noctem umbilico & uentri apponi ex rebus appropriatis, ut absinthio, menta crispa uel romana, farina lupinorum, foliis persici, & felle tauri. æstate his uel prægnantibus mulieribus ac pauperibus dari potest bolus acetosæ herbe aceto maceratæ: idem cum scabiosa uel similibus fieri potest: uel eorum aquis cum uino modico hyemæ, æstate cum tribus guttis aceti, quæ prægnantes etiam radicem tormentillæ in ore deferant, odoréntque acetum & mentam, uel panem tostum aceto tinctum. Pilulæ præseruantes & curantes de quibus supra innui. ℞. aloes electæ unc. duas, myrrhæ electæ, uel eius loco (nam sæpè uix bona reperitur) aristolochiæ rotundæ unciam, croci drachmam semis, boli armenij præparati drachmam, tormētillæ, dictamni, singulorum sesquidrachmam, feminis acetosæ, feminis pomi citrei sing. drachmā semis, Rhabarbari drachmas duas, salis gemmæ, spicæ, singulorum drachmam: cum serapio de acido citri succo in globum redigantur pro pilulis: da

Pilula.

ieiunio drachmam, bis uel ter in septimana secundum necessitatem. In sola præseruatione præsertim humidioribus ut Germanis, conuenient sequentes:

℞. massæ pilularū de hiera drachmā, pilularum de mastiche drach. semis, agarici trociscati scrupulum, gingiberis, spicæ sing. grana duo uel tria, cum aqua radicum inulæ, uel aqua scabiosæ: fiant pilulæ paruæ, sumat in una uice; si debilior sit, in duobus diebus, ac bis uel ter in anno satis erit moderatè uiuēti. Remedium aliud pro pauperibus uel ad dimidium annum præseruans, quo potissimum non calido tempore seniores uel humidi utantur. ℞. artemisiæ, saluiæ, summitatum sambuci sing. manipulum unum, gingiberis unciam, uini ueteris mensuras duas, incisa coque lento igne ad dimidium, in olla uitreata cooperta, in frigida tū percola, sume tria cochlearia quotidie usq; ad octo dies uel nouē.

Aliud. ℞. castorei ueri, aristolochiæ rot. ana drachmas duas, gentianæ drachmam, baccarum lauri drachmas 4. ex omnibus fiat puluis. sume drachmā (uel minus pro sumētis ætate & natura) cum

aceto rosato, aut uino, uel aqua idonea
semel in die in præseruatione, bis au-
tem in curatione.

Puluis contra peste correptum. R. ra-
dicum dictamni, tormentillæ, ana dra-
chmam, myrrhæ electæ drach. duas, cro-
ci, melissophylli ana drachmam, cinna-
momi, seminis ocimi ana drach. semis,
aloes puræ, uel lotæ (si minus purgare,
& uentriculum roborare uis) ad pondus
omnium: fiat puluis subtilis, detur dra-
chma in aqua rosacea uel acetosæ. Si re-
tinuerit & sudauerit, sanitati restituetur:
si euomuerit, morietur ut plurimū. Sed
cum de morbi curatione præcipuè non
proposuerim tractare, finem dicendi fa-
cio: neque enim desunt antiquorum &
neotericorum præsertim, hac de re libri
multi, quibus tamen non vulgaris acce-
dat cognitio, prudentia, & iudicium
oportet.

F I N I S.

W

